

nre (notre) cousin, Salut. Vous sçaeuz et il est tout notoire comme le roy François, nre (notre) ennemy, prouocateur de la pnte (présente) guerre, perséuerant non seulement à la continuation d'icelle, mais à l'augmenter et faire uniuerselle, occupant injustement le nre (nôtre), et non content de ses indeues emprinses en Ytalie, sest trauaillé et a quis occasion pour cause, employant ses forces afin de oster à plusieurs (sic) autres nobles princes, nos parents et alliez, leur vray héritage, sans vouloir entendre aux moyens de paix ou tresue triennale, proposez par le feu tressaint Père Pape Adrian, ny quelsconques autres conditions honnestes et raisonnables, de sorte que nous et très hault, très excellent et très puissant prince, nre (notre) très chier et très amé bon père, frère, cosin et bel oncle Henry, roy d'Angleterre et de France, duc de Guienne et de Normandie, deffenseur de la foy et seigneur d'Yrlande, et les autres roys, princes et potentats, nos alliez et confédérez, sommes contraincts nous deffendre et avec l'ayde de Dieu quest le juste juge, auoir satisfaction des iniures et dommages que nred. (notredit) ennemy le roy François, nous a fait et à nosd. alliez, recouurer le nre (nôtre) et le réduire en nre (notre) obéissance, et faire venir icellui nre ennemy à la raison, quest la cause pourquoy faisons pntement (présentement) marcher nre armée à l'encontre de luy et de tous ceulx qui le voudront adhérer. Et combien que sçauons auez assisté nredit ennemy en ce que auez peu, et, en plusieurs (sic) choses, vous estes notoirement déclaré contre nous et nosd. alliez, ce néantmoins pour le deuoir de noblesse et laffinité estant entre vous et nous qui ne serchons l'effusion du sang xpien (chrétien), ny vre ruïne et destruction de subiects par les maulx qui se peuent ensuire de la guerre.

A vous questes le plus prouchain du danger, inclinant à la requeste de plusieurs vos parens et amys, vous auons bien voulu envoyer ce porteur Arragon, lung de nos roys darmes avec ces pntes (présentes) nos lettres patentes par lesquelles vous sommes et requérons vous vouloir depourter d'assister nred. (notredit) ennemy, le roy François, en la continuation de ceste guerre avec iniuste et mauuaise querelle quest la syenne et en